



全華書系

全

~ 16
805
1





16  
805  
卷 1



金華葉剛序

凡文之難。非吾言之難。能明  
吾志之難也。莠言自口。於吾  
乎何有。非吾所明。而道聽膚  
受。飾之以為夸。具者也。如是  
者。非夫矣。凡文之難。在飾吾

南郭序





意之所言乃能度古人之心  
當之執古御今文莫若於人  
也徑省其辭則劍首一映無  
能應矣汎濫博文則若衆  
樂無管之眩眩弗成矣小者  
寵焉大者擻焉六解能久矣

子和每謂大丈夫燕之落之不  
與草木同朽乃人所不能為者  
而已能之蓋其志也寧令子和  
當路於齊桓晉文之時乎管  
晏孤趙可復許乎將及孔子之  
門魯衛之政左提子路右擎

南郭序



子游聞乎洙泗之間乎寧與  
范蔡蘓張同時目如輝星舌  
如電光一縱一橫恣其所說乎  
將超然高舉揖干木於西河  
從仲連於東海乎咸非其時為  
非其時君子思不出其位後

使能與一女子攘臂爭於中  
原彼持之我角之乃揖讓我  
儼豈難哉然人不可見我亦  
言則猶有默焉與其不信也  
以今觀之太上姑置焉其次功  
已非其時其惟立言以通其志



將曰人比肩而能之則已然  
考人滴食粟而已能為其不  
能為者子墨而無一人乃子和  
退守斯文亦其樽結孤憤之  
懷有所泄也何乃曰丈夫不為  
而姑舍其所好乎世已不能為

其不能為者則羨言亂之視  
於其所為六曰彼何為者率  
事在易而求諸難吾則羊質  
希皮陽為夸其固六畫容  
筆也則至其難毫不能舉也  
猶復以多自證以同自慰無之




於自立終令難者雖不為也  
 是子和獨可為者甬子和為  
 及莫不與古人爭其難者夫  
 文之難匪獨今也斯集也乃  
 人不能為者有矣六使人於子  
 和者弗恤也姑且令世之君子


觀采焉

享保戊申秋八月

平安服元鷲撰







*Faint vertical text, possibly bleed-through from the reverse side of the page.*

金華稿刑序

古  
金華稿刑序  
卷之二

始余不佞在於護園受業於夫子時東與  
平子和既在社中讀書私心竊以為奇平  
安服子遷亦特以弟子高等居恒往來護  
園余遂與二子歡左右采獲而愈得益矣  
二子嘗相友善而二子能作文辭則尚

序



論古之人頌其詩讀其書文辭相雄長子  
龢嘗歎曰古之人古之人幽於纍紲辱于  
糞土之中而隱忍苟活者吾知之矣非夫  
司馬氏乎昔者子長晝昧語言以受大戮  
著書而藏名山邈矣千載之後欲傳之其  
人哉予深悲司馬氏之意司馬氏以來二

千載世或有其人而為司馬氏執鞭則人  
與骨皆已朽矣不知地下或有司馬氏之  
靈將為得其人而有相感動於其人者耶  
如其無知終無益矣悲哉中之於子遷也  
並立則樂相下不厭方今一堂之上握手  
言古剖心折肝至其知遇之感質而有惠



子矣。音而有鍾期矣。寧盡二子之交。邪。蓋朋友之相得如此。則難矣。而君臣之遇亦難矣。其得也。乃天也。其不得也。亦天也。夫漢武之世。實承亡秦絕學之後。帝以英雄之姿。盛嚮文學。興廢繼絕。博延天下之士。何其盛乎。然而賢聖遠見之明。不能照司。

馬氏之衷。使彼就極刑焉。末奈之何哉。間者守山世子。既已以宗室之尊位。比藩侯。乃藉有土之富厚。饑渴招士。遂聘子和子。和乃時時諷誦上之典謨六籍。下之子史百家。世子乃驩甚矣。蓋世言文者。多不達於言。其自見者小而



錐刀之末。家家各相爭。而曰古今異制。俗  
易風移。何彼已古。其意特側目於二子之  
學。已以余觀古。蓋文若詩。虞夏以前。雖吾  
不能知哉。然而庖犧氏始畫八卦。造書契。  
以代結繩。由是文籍生焉。生焉則有則焉。  
有則焉。則有華焉。有華焉。則有實焉。屬辭

比事。不可以苟備法。而有質。嫺辭。而有文。  
文質斌斌。後世以賴焉。然滔滔天下。或憚  
於修辭。或因師詩。而忘其辭氣之鄙俗。委  
瑣齷齪。而輒近自安。凡其若而言行。而不  
遠矣。子和之業。獨卓然于千古哉。則服平  
生而遭



升平之時相集一堂之上握手言古相共  
輸寫心腹以相得于今日者異夫司馬氏  
慨然而發憤俟知己於後世者哉而况子  
和蒙世子視遇之恩親臣師保之愛乎子  
和之集六卷世子欲木之謀子和子和謙  
不敏世子固請乃不得已以公于世蓋結

繩者邈矣書契以往文質之變無世無之  
矣子和氏之所錄文則兼并先秦漢魏而  
騷除輓近澆漓之習其於詩也上則漢魏  
六朝下則開天諸名家其成也煥乎其有  
文章哉表東海者其子和氏乎子遷有辯  
善之度蓋其所辯云爾珪也有社中之故



義不能辭乃作之序

享保戊申三月

神門越正珪撰

越智姓ニテ云ノ  
字ヲ名乗ル稿  
葉末ノ一族ナラ

神門

越正  
正珪

南部勝元啟書

金華稿刪後序


子和之集名金華稿刪當子和  
之世而刪子和予未知其人也  
蓋子和來東都後六羅災十  
移居塵甑不存百商烏有何同  
吾稿乎刪名歸祝融氏之為乎



義不能辭乃作之序

享保戊申三月

神門越正珪撰



南部滕元啟書

金華稿刪後序

子和之集名金華稿刪當子和

之世而刪子和予未知其人也

蓋子和來東都後六羅災十

移居塵甑不存百商烏有何同

焉稿乎刪名歸祝融氏之為乎



而子初之於文辭結撰窮思氣  
典神遇援筆輒成不復置稿亦  
其稿見存者子第之從傍所錄子  
百中之一二已刪豈陽子初之  
自為乎是集固非全集也而非  
刪也非刪名所刪何乃

可謂非刪乎子初年今甫過強壯見  
聞日博登以相相之質晚成  
棟梁之器過今以往其所為不  
可測哉是集不之也以既亦子和  
也而可以既亦子和之獨是集也  
予嘗慕徂徠先生之學我公迺

序

二



客子和授經於予。子和固有其  
穎之志，被褐隱于醫。我公深憫  
其才，以泯滅醫卜之羣。子和  
亦深感我公國士之遇，乃始起  
矣。別以予為可教，予視膳之暇  
受業於泮宮。六七年，子和乃

稍知子和之高義，卓然意視  
千古，不獨高於一世也。實裕接  
物，雅量韜光，不以皎之自潔，能  
舉大綱，小處小節，善人之善，甚  
於惡人，惡然其性亢直，捨侮  
鄉原之士，不禮貴戚諸甥。凡有

序

三



所挾者○稠人廣眾○必為寵○有德○  
是以士之正直者○皆尊信○子和其所  
以多忌○子和者○亦可知矣○子和  
善文辭○文辭亦非其志○燕間居  
慎謂余曰○世果止有高辛氏之  
子乎○八愷不可為乎○即其當重



華氏之世○敷五典○授兆民○胙毛  
不生○一饋十起○何暇以彫蟲之  
末為乎○世非其時○人非其位○若  
歲大旱○果哉不可作霖雨也○  
若夫酒醴乎○麴蘖乎○可為乎○天  
唯使余善文辭○為猶賢乎已哉○

序



是以子和之文若詩卒然不設  
 稿予深恐其業散洛而不得  
 遂命田俊卿彙為六卷傳之  
 方服子遷以管鮑之交序其  
 子和盡矣予復何言子和姓  
 平野名玄中號金華興州三春

之產也享保戊申冬十月從四  
 位源賴寬撰



鳥石源君嶽書

序

五





Blank page with faint vertical lines and ghosting of text from the reverse side.

金華稿刪卷之一

平玄中子和著

守山世子源賴寬子猛輯

中郡 田元秀俊卿校

擬古樂府

瓠子歌

瓠子決兮茫滔天浩浩洋洋兮奈吾桑田奈吾桑田  
兮吾民為魚功無已時兮安所歸刑白馬兮湛美玉  
東郡病兮薪不屬捷淇林兮滿渚涯風雨有常兮水



金華利冊 卷之一  
不揚波宣防成兮謝蛟龍河伯許兮萬福降

艷歌何嘗行

雙鵠飛悠悠集我屋東南或十或五部伍慘澹鳴飛  
相後前宿燕然燕然道不遠反顧何處還載汝不可  
車載汝不可舟我豈棄汝去不知其所留交游重如  
金乃臨離別間如此好仇何淚下長潏潏念與君何  
道道路君去長氣結且紛紛閉門徒悲傷歲月往不  
還上天是蒼蒼生乃比松柏去者獨不常唯有今日  
好明日何茫茫殺雞各相集相集長莫忘

君子有所思行

歸來東郊道蕭蕭遲暮時遲暮殊陰晦雨下秋風吹  
舉頭望城郭馳馬立中逵故人成黄土新貴滿京師  
朱門鬱相望甲第自逶迤吳歌竟長夜縹緲楚舞隨  
人代忽變改山河去年移見彼喪家狗當時老且飢  
鬼神謂我醜日月不我欺舜禹已遠矣君子復何之

門有萬里客行

門有車馬客問君何處如相逢一何親別離一何疎  
百年忽如寄人間終紛拏朔方畜牧群於越水中居



行行杳無期，稅駕聊躊躇。


蒲阪行

已深江南春，已來湘川雁。雁來無南書，濶焉何其慢。長是燕代客，淹滯復奚慣。

上留田

世態一何不同，上留田綺與穀人所美。上留田管前人之所鄙，上留田親疎亦何毀。上留田禍福弃置，道路上留田嗟爾孔寒。將欲誰愬，上留田。

東光



昆明開，昆明何不開。上舟以取道，水軍無餘糧。諸軍良家兒，罪瘡孰不傷。

華山畿

華山畿，棺不開。復悲生死何所施，君既為穠來，我亦從此之。

白石郎

白石郎，綠水隩。水晶之梁珊瑚屋，白石郎鸞鳳姿。變化如龍不可知。

安東平



東平劉生豈不人情安為輕重所重功名  
采葛與葦為經為緯自裁作袴與郎以慰  
北風烈烈烈烈陰雨水行有波山行有虎

八公操

日月煥乎列星從兮翩翩八公自其中兮就予與予  
瑠璃鍾兮紅顏如玉州其童兮馳乘風雲駕蒼龍兮  
燭龍所照若華東兮含精吐氣倚芙蓉兮是公好道  
長無窮兮

五言古詩

贈服子遷二首

駕言鴻鵠翼翩翩顧東都東都有美人美如明月珠  
中堂奏廣樂旨酒盈玉壺余亦飲此中聊堪極歡娛  
倏忽歲月改棄置在路衢邈彼鳳與鸞于飛且棲梧  
苟從吾所好冠冕非吾徒  
昔者吾於君雙如珊瑚枝與俱涉大川值此艱蹇時  
之子有其罪抱玉罪有之渺渺京洛間富貴並相馳  
靡不綺與縠絃歌紛且隨壯哉烈士心蕭索一何衰



魯連踏東海仲尼居九夷已疑維其德中心獨傷悲

早發相州作二首

豈知非其志卒爾從道路稅駕夕問津振策晨復驅  
崢嶸函關巔美哉山河固維昔鎌倉氏經營一何苦  
弟斃孤亦隨讒人國之蠹忽焉久不食知是非所慕

其二

行行無息時向晚陟彼岵下有萬戶邑海水繞其屋  
庶哉且富矣早雲氏之墟弱孫豚犬耳俄而竟忽諸  
草創非獨難守者何其疎低首悲往昔仰天歎歸歟

小白不復有夷吾何處如悠悠鄉關道中道思吾廬

雜詩五首

哀哀父與母生我又棄我豈無伯與仲羈宦與時左  
薄祜復誰想上天爾降禍三歲寄舅氏十五期負荷  
中道何易廢局促終不果何如先人業茫然長朱墮

其二

少從燕趙士不知其所還牽拘出城門走馬下南山  
意氣奮借軀椎埋屠狗間膂力輕孟賁每犯劇孟顏  
一朝恍然醒愴皇出鄉關嗟彼不可諫髮毛一何斑



其三

巢父隱箕山伯夷歸首陽市中擬巖穴出處其所忘  
已漱上池水杜門檢青囊麻姑延年術蓬萊不死方  
持此入都門誰謂非清狂善哉韓伯休此亦足韜光

其四

鬱鬱牛門西堂宇高且深君子芝蘭室達者六藝林  
斯文托興廢婉孌操絕音同人長此盟固如石與金  
翱翔比其翼優游共其衾洙泗籩豆事聊以慰中心

其五

唯是時與勢奄忽出草廬戰兢上華屋齷齪曳長裾  
虛左侯羸坐蒲輪伏生車芬鬱元王醴未敢言歸歟  
拮据違初心移氣誠在居塵紛不可解歲月竟何如

贈田俊卿二首

鬱鬱神門樹鬱鬱神門傍白雲翮其蜚大鳥起扶桑  
維巢非擇鳥飲啄有何常上窮霄漢間下周覽八荒  
燕雀不自知鴻鵠何敢當後生聖所畏不敢待文王  
如斯材之美何用其不臧

其二



良駒思千里不與大豚娛非是避仇來一朝朱家奴  
朱家驚且喜如奉靈蛇珠欲屬青雲士置之都城塗  
仙閣詩書府神門文雅衢洙泗斷斷間顏閔是其徒  
斯文有所待不論隆與汙

贈土伯曄二首

相逢元何自離別復如斯念彼西海水邈在天一涯  
豈是非樂土榮華當及時出立君子朝入就老母慈  
善人上國寶德音有所期

其二

邈哉西海道明星燦且懸我自涸轍魚君是彥山巔  
太邑金玉府文獻天下珍努力豈愆期所願晏子賢  
上醫自醫國不在神與仙

詠史

俯仰惟往昔何物古之遺牛刀無所施哲人多駢躓  
下僚豈其所榮達非是避賈生絳灌愠董生平津忌  
吾悲飛將軍數奇負其志吾慕劉更生儒雅時如弁  
誰無萬戶封或有屬鏹賜達哉吳門卒百年其所肆

雜詩二首



秋夜長且曙風雨露我衣耿耿有所思孤鴈復南飛  
冠帶聊絆身病老日相依聖人既逝矣維時與人違  
忡忡我心憂悠悠知者稀寸心無所答達者有知幾

其二

牛羊知其所蕭蕭日之夕行行無所窮悲此遠方客  
今年為去年歲月有何迹早有箕頰願晚執羈縻  
我而何其迴茫不知所適

七言古詩

過源某公舊莊歌

漢家五侯五侯籍斗酒相逢意氣傾中天奎壁懸天  
府斗間寶氣擢東京東京甲第五雲端雲母水晶結  
構寒珠履三千如雲集由來公子禮數寬驕驕日日  
錦障泥紫陌絡繹罄合歡縹緲高奏八琅璈伊昔美  
人捧心眷美人一朝歸何處竟使主人能仙去九臯  
鶴鳴白日高甘棠花開共誰語君不見滄海桑田一  
時過况是人代變改多一貴一賤兩茫渺但使明月



金華集卷之十一  
上雀羅

送築波山人還山歌

飄然忽來往，自被碧雲隈。手携油囊酒，五斗青虬白。  
螭駟駕來來，時但云採芝術。去時不論心，作灰君之  
高崑崙之高，高不若不知黃河之茫茫。為誰開，追君  
欲及不可及。煙雲何處尋蓬萊，蓬萊仙子十二樓。人  
間消息空悠悠，何日君之帝之所。帝坐驪然問東游，  
日本國東金華下珠樹玲瓏明月浮。

題雲夢越公屏風歌

飄忽起自清蘋末，衝孔動楫上深宮。颯然直開綺羅  
帳，從君入君屏風中。君家屏風高數尺，異氣冲天一  
何雄。北海清尊客此滿，月且品題人何窮。悉道主人  
敬愛客，高陽酒徒往來通。東山盛宴歌舞多，彈丸六  
博氣愈誇酒酣。忽歌燕趙士，腰間鞶韞照霜華。丈夫  
偏憐五鼎羹，龍脯玉膏厨中傾。送客不論羅襦解，堂  
上燭滅正三更。欲散遙望芙蓉山，芙蓉當戶長為顏。  
名山大川天下勝，從君宛然集坐間。

東海行

金華集卷之十一

卷之十一

九



金華新冊 卷之一  
神山縹緲東海路，泚濤蹴天開。雲霧漢主離宮何處  
尋，佳氣氤氳三珠樹。十二樓臺連蓬萊，九重宮闕接  
玄圃。棟宇燦爛鮫人眼，勾陳行夜夜。何限壯麗曾知  
天子尊，豈論中人十家產。娥眉如花長坐春雲雨，巫  
山夢已新。田竇一時稱貴戚，生男六人如夫人。童女  
三千沙棠舟，應有方士向滄洲。無那卒然開石槨，一  
朝神丹不堪求。琴瑟不張收縣垂，深院日暮泣吳姬。  
孺子南面奉遺詔，小篆正書秦李斯。和羹今日誰家  
熟，漢家列侯審食其。佞幸豈獨協聲律，人人鷄鶩傳。

粉脂四海一家歸，太后絳灌拱手侍。垂帷熒惑相望，  
日月食中原。暗澹復何之時，有聖主自代來射騎。縱  
橫神武哉，射蛟曾開昆明水。張宴未築柏梁臺，巡狩  
東海登離宮。離宮依然夕陽中，吾曹媿破而公事游。  
獵賦成自忡忡，覆轍古來人所視。土階三尺稱聖智，  
酖毒何處不宴安。莫使千載重復醉。

題卓上人山房歌

病夫奮然欲干諸侯游，道思上人悵徙倚。忽向招提  
攀娑羅，摩屈明珠還瀟灑。上方雲烟通兜率，百億閻



浮懸佛日，漢帝夢中黃金光。大千燦爛，毫光出問師。  
人天證果，事笑而不答。凭几睡，津梁豈論幾人過。三  
藐菩提何處至，諸天蒼茫不可求。白雲明月夜轉幽，  
方丈獨設居士坐。山色偏使許詢留，忽知人生有所  
宜。決然不復游諸侯。

送于士茹歸西京

星臨皇居，天文晴。山鎮神州，草木清。冠冕衣帶周禮，  
樂豐鎬，文物平安城。百二山河擁，崔嵬桓武，鴻基千  
餘載。楚人未問鼎，輕重周道如砥。家四海，水滂巨壺。

琵琶湖來金鑄狄人，東山開三條橋成限。涇渭朱雀坊  
連映，章臺羅綺如雲游冶。郎金管玉簫歌舞，傍燕脾  
猩唇五鼎烹美酒。新豐甘且香，古來元稱游俠窟。上  
國才子不可當，自是神秀之所鍾。君已超然志四方，  
四方幾拾十朋貝，更探東都歸故鄉。歸日壯觀賦成  
悲，高山流水幾人知。憐君心在芙蓉下，還論東游應  
相思。東方美人服子遷，絕世一時獨翩翩。中也億矣  
無所有，依舊拍浮酒家筵。

題壁時余就

金華高州



十年賣藥都門外，酒肆屠家四方會。女兒已知韓伯  
 休，由來出處不可奈。曾聞肥遯无不利，豈謂老去釋  
 韋帶。君不見鸞鳳生翩翩，朝搏扶桑暮虞淵。四海九  
 州心所欲，一朝變化不冲天。如何樊籠區區物，一落  
 人間長蕭然。

對梅歎

風雲渡江限，西東臘前梅花微雨中。對梅自憐鄉關  
 阻，多岐逐羊塗亦窮。君不見終軍弱冠請長纓，張騫  
 奉使事遠征。男兒由來豈無意，蹉跎歲月何事成。今

朝四十終無聞，一笑呼酒獨自驚。昔人漫稱忘憂物，  
 今日於我偏無情。

金華山歌

大海東流環扶桑，扶桑盡處大海傍。金華千仞突兀  
 出，昏曉忽剖日月光。洪濤天裂海若匿，夜半負山舟  
 亦藏。烟雲綺錯繞其中，中有縹緲仙子叢。上帝別殿  
 玄聖宅，天門直開紫微宮。紫芝蘭茝紛芬鬱，珠樹珊  
 瑚一玲瓏。秦室皇帝神忽蜚，徐福浮海道已窮。松桂  
 闌寂無足音，白雲明月人未通。天平年中郡國使，山



金華雜錄卷之二  
海道開舟車至採山鑄金如拾芥土人馳傳獻天子  
天子改元答祥瑞侍臣獻歌頌聲起爾後一千五百  
年來游幾人此登僊東奧平生生其麓是非窮達總  
茫然中間宦游京洛間恍惚如醉落塵寰金華山金  
華山老矣平生有何顏

送林生歸信陽

信陽林生稱有通談笑攘臂一何雄與時浮沈非其  
志拂衣歸去風雪中才川滔天天塹濶西條山高隻  
輪窮憐是謙信之走北越道土人寧莫國士風擊筑

自奮屠家酒腰間芙蓉氣吐虹

我世子管丘公後園菜花歌

公侯建國稱干城梁園元自漢宗室羅綺冠蓋連平  
臺畫棟珠欄映白日園中奇觀傾東南秋霜天清菊  
花出翠葉紫莖萬餘種紅白如雲雲更密落英作賦  
楚大夫豈比陶潛環堵室長生何啻鄴縣水坐上幾  
從赤松子陶然長醉紫霞杯鳳管玉簫紛紛起君侯  
元自敬愛客興酣平原十日席幾人授簡詞賦雄鄒  
枚能不獻奇筴



都城歌

都城三月映芳菲，千門萬戶霽餘暉。大道如絲人為  
市，衣馬無處不輕肥。去年射策東家子，飛騰一日紆  
青紫。西鄰以貨入為郎，累探州郡台鼎美。自是侯門  
仁義存，布衣巖穴何不恥。性之與習不可移，今日不  
覺今日是相逢。休笑宋人竇吾輩，自有屠龍技。

老馬行

阜間老驥真龍種，鳳臆龍髻自無倫。玉勒牽來金埒  
下，更向風雲毛骨新。汗血一下雷霆過，匹練如雲還

逡巡中原縱橫不足難，一躍欲極八荒濱。悲生不逢  
穆天子，一時誰復愛駿神。庸馭卒然一押侮，分背相  
踉且鬣入。驕驚豈能閑輿衛，詭銜竊轡不復馴。鞭策  
威嚴創未愈，羈馮長編凡馬伍。驤首日屈霜雪踈，罷  
癘未忍就規矩。歲月如流忽焉老，一朝萬事悉顛倒。  
長齒剝落千里志，隴竈但憐近姜棗。今而伯樂復奚  
成，北風時時徒悲鳴。豈帝天下無知己，深知其技誤  
其生。

金華稿刪卷之一終



如北風翻劫劫悲歌意當天不無吟已散時其時  
具幽隱於十里法歸靈山樹山其寒令而由樂歸矣  
無不為其賦賦賦賦賦賦賦賦賦賦賦賦賦賦賦賦  
如巖隙未余歸焉身歸且得山巖首日品醉靈  
賦且隨人翻卷豈能開與飛飛飛飛飛飛飛飛飛飛  
賦賦賦賦賦賦賦賦賦賦賦賦賦賦賦賦賦賦賦賦賦  
賦賦賦賦賦賦賦賦賦賦賦賦賦賦賦賦賦賦賦賦賦  
賦賦賦賦賦賦賦賦賦賦賦賦賦賦賦賦賦賦賦賦賦

金華稿刪卷之二

金華 平玄中子和著

守山世子源賴寬子猛輯

中郡 田元秀俊卿校

五言律詩

南都覽古二首

邦畿開五緯千載帝王都世運山河改人間日月殊  
黍離餘廟畧麥秀入雄圖冠佩今安在豺狼滿九衢  
豈謂非伊呂巍然淡海公名山門地古長水廟謨空



功令新施策文風始誘衷至今看遺業佛寺白雲中

題筑波山人隱居

四方如不遂唯是鹿門山玄理有無外谷神生死間  
田園抱甕灌風雨荷鋤還還恐敗人意烟霞不易攀

墨水對月三首

墨水連天濶秋風二總開潮平明月湧山近白雲來  
病嬾人情變歸心酒態哀窮愁書未就短髮虞卿催  
自覺鄉關遠江間明月秋薄游憐所有拙宦識非求  
長缺馮驩舍千年季子裘請看歸去賦墨水向南流

木葉秋風起江濤夜更驕月升梅子塚霜滿中郎橋  
陳迹風雲散窮途歲月遙倦游枚叔老未擬廣陵潮

春日即事八首

聞道品川水暮春魚正肥扁舟心一切伏枕志多違  
世態因窮達人情混是非遺金如可拾不向蓬蒿歸  
烟花寒食近風雨滿三春詞賦還垂老琴書猶未貧  
浮名迷踪跡生計笑沈淪深識照乘色能堪投世塵  
十年塗已窮栖栖大江東詩酒供遲暮樵漁任轉蓬  
玄何揚子似名獨葛洪同唯有醫方在堪令嬾惰終



金華和冊 卷之二  
偶坐對新燕柴門春樹清青山來雨色陰霧引潮聲  
江海持螯興烟霞避穀情草堂無長物休道客星橫  
一自裁鸚鵡相逢忌禰生彫蟲千載意朽骨一時名  
墨突憐人事屈騷知世情巖阿吾性近欲待黃河清  
不是同中散誰能似步兵老妻偏解事稚子獨聰明  
濁酒山花對新詩夜月迎幽棲堪若此何必拂衣情  
稍知春水滿野艇欲垂綸長壽寧無術禁方應有神  
山雲生曲几海鳥傷綸巾不是廟堂物還憐一壑人  
儒服老將至風塵日月過不教西伯在或奈東周何

玩世官情盡杜門狂態多伯鸞從此去聊作漢關歌  
奉送畠山源公使西京

使君殊矍鑠萬里獨鳴珂千騎諸侯會通衢驪駒歌  
旌旗遶海嶽劔佩雜星河更識西京路春風美酒多

早發金川

武水通相水遙含函嶺幽波濤開驛樹道路入潮流  
寧莫窮塗哭還憐小魯愁富山西可探其奈子長游  
偶成二首

長鋏自蹉跎登樓一放歌意中天地盡掌上古今過



金華集卷之二  
垂老利名遠論交歧路無心踏東海奈有斯文何  
江樹夕陽落蕭條一草堂真龍人自失老驥志猶長  
世豈樵漁避名兼詩酒狂只今濯纓意未必向滄浪

懷子遷

忽憶吾南郭三秋奈此情猶將梁客渴似學楚囚聲  
陰霧中原色悲風二子名百年弃如土和壁楚山清

贈武子忠二首

書劍兩都道風塵出處清白雲混吏跡明月入詩名  
世態縹袍古機心桔槔輕憐君湖水上應遂羨魚情

玄經非我事奇字本君徒楚客多抱璞齊王獨好筭  
宦游難可遂無處不尊鱸曾水江湖濶知堪容老夫

春夜即事

如此甚堪憐敝裘遲暮天燈華照白髮雨色入青氈  
春晚步兵酒更闌吏部眠蕭條人事盡曲几海鷗前  
早春同服子遷土伯擘守秀緯集越君瑞懷仙

樓得催字

山陽狂客滿絃管與春催堪作五君咏誰非八斗才  
捲簾青鳥下啣酒白雲開天路通何處知君姑射來



春日同子遷集草庵望君

何必在巖穴都門洞裡春  
輕烟丹井古曲徑酒家鄰  
踪跡猶栽杏風流似避秦  
黃壚千古事枕阮眼中新

夏日過飲田家

田園留客飲長夏此相從  
瓜自故侯熟杯還大聖濃  
晝舖分五鼎旅食鳴洪鐘  
憐爾計然策真堪比素封

送江山人還山二首

愛爾白雲隈茅堂倚九垓  
人間偶賣藥方外獨銜杯  
水抱丹南落山連河內開  
不知招隱賦更為幾人催

行藏誰得識茅屋大川濱  
花隔嵐山道雲鄰洛水春  
論心憐海鳥玩世混風塵  
還使薜蘿怪由來幾處人

漫興二首

陸沈無所定踪跡與誰論  
世上行藏異人間得失存  
長裾多混俗濫吹聊開樽  
彭澤猶堪養歸心未易言  
中酒酒還親何妨霜鬢新  
壯心憐白日遲暮負青春  
薄宦當吾世窮交待幾人  
都門容傲吏依舊傷風塵  
送玄海師歸西肥二首

祖帳諸天晴行裝佛日明  
潮通乾竺國雲接毘耶城



江海毒龍沒，山林害馬平。空王變化度，未必論無生。  
 飄忽就長路，雨花春日遲。吾生元有限，君事竟難知。  
 四海餘居士，彌天置大師。摩丘千里色，應與白雲期。

九日有感三首

九日江東水，催人白髮清。一裘從晏子，五斗絆淵明。  
 勝具兼時負，歸心乘興驚。園林秋未老，叢菊感吾生。  
 復值重陽至，悲風對落暉。百年因酒過，萬事出門非。  
 暮景宦情拙，客中心事違。愴然深自怪，未為尊鱸歸。  
 疎豪元足疾，好事近虛名。木葉迷秋色，海雲連雨聲。

濁醪非願聖，黃菊任縱情。誰似桓溫坐，當年意氣橫。

懷子遷

蹉跎自可憐，憐爾奉親年。菽水聊封已，風塵獨草玄。  
 詩君千古外，酒我一樽前。意氣偏相許，青天日月懸。

送滕維迪從入京使二首

五馬西京路，翩翩書記隨。王人周典故，東使漢朝儀。  
 四牡天威近，羔裘震眷垂。應須藏御府，誰草會同辭。  
 文物先王宅，都城涇渭濱。烟花郊外濕，雨露日邊新。  
 祗役從朝聘，勤王陪使臣。陽春吾黨色，更映洛陽春。



君瑞越君別業二首

何知城市近野色春陰迷玄賞江湖趣清門桃李蹊  
山花對局落林鳥入絃啼詩酒有神助斜陽延客低  
但有習家趣園林淑氣晴月升何上夜花亂自班荆  
山色因詩擢春江入酒清送迎無限意既醉主人情

冬日雜詩八首

山河催短景雨雪自陰陰意氣憐湖海蹉跎感古今  
酒從窮巷薄詩入客愁深門外無車轍猶堪稱陸沈  
散髮非因病微官豈養高歸心隨麋鹿吏跡沒蓬蒿

濯足臨流水求賢對濁醪清時堪自弃未擬反離騷  
傲吏元多病清樽獨自親宦情餘歲月短髮傍風塵  
海暗天含雪山晴日促春吳門休復問不是姓梅人  
豈比南冠泣偏憐楚客辭千年綿蕞俗萬事鷓鴣枝  
坎壈何論世風塵此一時還思我夫子不使東家知  
衰晚負初志西游事未成蒯緱過酒肆儒服稱狂生  
不是江湖性寧知魚鳥情世間何物是總比虞人旌  
窮陰人事急積雪滿江干肺病虛名古羊裘暮景寒  
宦知巧拙遠老覺去留難遮莫明珠色人間按劍看



十年何所有華髮感吾生茅屋雨聲暗寒燈曙色清  
淹留憐薄宦偃蹇怪虛名相值輕肥客揚揚意氣橫  
都門庶且富青紫比公侯但見非難得還知不可求  
時名蜀犬吠生事杞人憂自是池中物須隨魚鱉遊

早行

驛樹天將曉長塗匹馬勞猿啼山月落霜滿戍烟高  
名但從多病愁非與一毛始知蕭瑟氣秋色在吾曹

送田叔明歸隱信陽二首

何問避秦路春風舊敝廬靈丘連北陸天路入岐岨

芝朮真人跡烟霞上帝居羨君早蟬脫歛衽遂歸歟  
信陽十二郡邑屋半山中藍縷元開國汗尊自作風  
暮歸呼濁酒朝出弋高鴻自是丘園賁何人與爾同

五言排律

東山道中懷古

東行何所有千里白雲閑停馬五松嶺繫舟孤月灣  
人烟抱古道驛樹走空山岐阜氤氳裡關原草昧間  
陳張資廟畧蕭曹分朝班聖策布荒服天威震百蠻  
蜚龍難復遇翔鳳更安還後死皆恩澤優游鬢髮斑



牛門分題賦得春色遍皇州

人文周典刑，壯麗漢京師。二水圍鶉首，三秦開聖基。  
藉田迎啟蟄，出蒐事春時。娛樂四方會，謳歌萬國詞。  
烟花何此早，雨露自先滋。大皞誘風化，蒼民有所期。

送岡仲錫之水藩

先公樹懿德，文獻遺風存。五等周官長，諸侯宗室尊。  
山川開大國，日月鎮東藩。蓬豆廟謨事，詩書盟府論。  
楚材歸晉顯，駿骨入燕奔。冠蓋誰家醴，簪裾幾處門。  
書生推魯國，詞客重梁園。遙識青春色，鄒枚醉主恩。

七言律詩

贈縣次公從長門侯來東都

方岳連天鎮盛周，先王經畧建諸侯。九州玉帛朝江  
左，千乘旌旗掛海頭。上國文辭誰草創，世家典故自  
風流。梁園賓客君元達，拘監祗今何處求。

題烏歸德水亭二首

吏隱茅堂擁大川，白雲如水水連天。雷過嶽色陰陽  
逼，日落江聲風雨懸。一代文章金馬下，十年踪跡海  
鷗前。送迎自玩人間世，還使杖頭堪掛錢。



市近還憐水竹幽，朝回樽酒倚高樓。  
澄潭雲起龍蛇窟，野渡虹懸蘆荻洲。  
傲吏應須同柱史，漁翁不是擬羊裘。  
門前月色清如雪，今夜何人訪戴舟。

吉野懷古二首

古丘草木自青葱，建武宸居巖穴中。  
仙蹕一來山道暗，凱歌不返澗雲空。  
鯨鯢漏網吞蒼海，魑魅依人近紫宮。  
還怪神州烏有日，寧無長策御英雄。  
南狩倉皇出北京，深山新上帝王城。  
豺狼當道皇圖解，兵火連年寶鼎輕。  
春樹偏張仙仗色，湘泉長引玉

鑿聲盛衰豈獨歸，人主廟算須因將相成。

上西臺侯

藩邸高懸郭北幽，幾時春酒滿高樓。  
淮陽大守元多病，關內諸侯自勝游。  
落木中原寒雨夜，長風八月海潮秋。  
遙思安石東山臥，何使蒼生尚抱憂。

同子遷飲望海樓別秀緯

窮交論世客心驚，酒罷高樓白髮清。  
風雨秋蒸東海道，煙波天湧武江城。  
悲歌攘臂虹霓動，慷慨吞聲日月傾。  
一諾由來堪自信，浮名未可在曹丘生。



上西臺侯時拜參政

甸服由來教化殊，河南政事擢江都。漢家制度參丞相，周室典章屬司徒。雨露千秋王者跡，風雲一代大臣圖。幾時侯邸開東閣，能使蓬蒿老腐儒。

送滕順得歸濃州

百二山河京洛前，東南形勝映青天。關原墟澗蛟龍起，岐阜城高霹靂懸。日月玲瓏

神祖壘，乾坤鬱勃慶長年。登臨幾處雄風色，誰擬西征潘岳篇。

送林元寧歸越前州

暮春春服發都門，遮莫鄉關獨夜魂。天折越山開古道，潮高北海入中原。及時行樂家傾橐，遺世風流酒滿尊。還識淮南堪作賦，幾時桂樹賁丘園。

擬秋夜寓直

氤氳瑞氣遶咸陽，宮殿高張日月光。史筆周官供袞職，詞曹漢代典宸章。青藜夜照天威近，白露更闌聖渥長。銀燭秋寒猶未睡，明朝何策獻君王。

春夜服子遷田俊卿過訪得看字



江上晴光水雪殘何來春色滿攔干避賢窮巷蓬蒿  
古遺世柴門車轍寒憐以薄游生意氣羞將同病聲  
交歡聚星影映明珠色一夜人間按劍看

奉和守山世子源公冬日宴南莊作

樓臺春近暮雲晴冠蓋紛紛此送迎白雪猶隨珠履  
色彩雲忽駐鳳笙聲平原十日人長醉鄴下群僚世  
自傾未至相如稱上客深慙衰朽負平生

寄懷江元璞

元璞時游江島

弊裘老去混風塵一代才名幾處春花落空山猶帶

別塗窮暮景夕依人人間得失名通少世上輕肥交  
態新聞道相中烟水澗知君停馬吊靈均

奉送徂徠先生之甲州二首

時甲州葬永慶公

春雲驛樹晝陰陰楚客回頭白髮深紫氣風塵何處  
見玄珠蒼海幾時尋山川無恙文章色日月依然社  
稷心一自梁園搖落後鄒枚徙倚動衣襟

落月相携出餞遲此行千里使春悲九江風雨霸圖  
古三峽烟波世事隨交態署門全盛後主恩置醴中  
興時只今父老逢元凱山色新開墮淚碑



寄題小倉公族大夫養拙子二亭

都城翦鬱擁崔嵬，亭子江頭氣壯哉。北海設筵樽自滿，高陽卜地客常來。九州綺錯風濤散，三島萍浮草木開。幾處登臨堪作賦，文章元屬大夫才。

擬夏日侍宴二首

鵷鷺並入進賢冠，絲管飄然長夏寒。綵仗天晴分蔗水，綺筵晝靜賜冰丸。五雲吹送甘泉殿，雙鳳飛還承露盤。無限聖恩携滿袖，僊階夜散玉珊珊。

宸遊此日興雄哉，六月乾坤寒氣回。鳩鵲館成秦地

盡仙人掌擢，咸京開絃歌。忽拂雲霞起，聖制時從霄漢來。玉樹青葱上林色，此中知有揆天才。

秋日有懷江山人

零落交游白髮年，人間浪迹各茫然。都門風雨百錢卜，城外雲霞二頃田。伏枕清秋叢桂下，思君明月海鷗前。吾家長物當吾世，寂寞胡為在守玄。

同滕東壁服子遷陪西臺侯冬日登樓二首

詞賦相携坐暮天，滿堂賓客建安年。芙蓉雪向樓臺散，芙蓉謂富士也。渤澥雲從劍鳥連，四海鳳鸞空睥睨中天。



奎壁此聯翩謝公近甚東山費歌舞如花滿酒筵  
麗譙極目白雲沈吾道從來何處尋神劍幾時能相  
合舊氈此夕豈無心慶長文物星河濶聖祖旌旗草  
木深東海至今多異氣對君更識雙南金

秋日海上作

儒衣十歲自倉皇白首今朝更渺茫  
鰲島連天秋色湧蜃樓啣日晚潮長  
英雄湖海餘遲暮疎放園林感故鄉  
不識漁翁何所有扁舟歸去向滄浪

送源京國歸三河州碧海郡

憐君東道捲簾時幾處陽春郢下詞  
長者田廬簫管散王孫踪跡杜蘅垂  
鳳來日上鄰三鳴碧海天開分  
兩儀白水龍飛神秀色風雲猶自使人思

岡崎矢矯橋北有小

說所謂長者宅故址鳳來山名

寄森迴瀾

十歲交游多陸沈相逢霜後一蕭森  
虛名還怪文章事同病猶憐湖海心  
江上星光為客散朝來爽氣對君深  
平生欲許高山色何處秋風不入琴

得伯曄書



金華集冊 卷之二  
鴻鴈春歸報德音，依稀相值楚囚吟。風塵未信窮途  
哭，漂泊豫知遲暮心。江上梅花人已散，山陰雪色夜  
偏深。十年不遠黃墟酒，愁阮重來幾處尋。

七月朔東海道中懷越君瑞服子遷

白露新秋草木輕，驪駒門外客衣清。鯨魚海湧函關  
暗，瘴霧日懸江嶋晴。抱病遙憐河朔飲，思家偏識汝  
南評。由來神物奈難合，紫氣蕭條牛斗橫。

九日集海涯樓寄懷筑波山人得開字

樓臺雲近暮天哀，雨後秋城鬱勃哉。為客久拚丘壑

色論文，獨見弟兄盃。去年携手水流遠，今日催人野  
菊開。此會相思赤松子，羽衣何處復重來。

留別守秀緯

倦游千里竟何如，何處蓬蒿仲尉居。臨別偏憐歸去  
賦，欲裁還怪絕交書。千秋神物映雙劍，一代風流滿  
五車。涕淚誰知男子意，秋風未必憶鱸魚。

同東壁子遷分賦西臺侯封內八勝得清池明  
月

蕭條草木白雲平，明月曾開漢昆明。使者槎浮星斗



遠仙人藥就，潢河清管絃。猶向桂花色，峯壑還成鳳。  
鳥聲聞道梁園時，授簡馬卿回首不堪情。

古意

杜韋行樂轉茫茫，珠履金鞭散咸陽。王旅何人浮瀚  
海，戎衣幾日限河梁。邊雲紅帳夢中暗，朔雪粧臺掌  
上長。橫笛飄搖楊柳怨，隨風吹盡綺羅香。

東都客舍寄筑波山人

豪氣十年湖海稀，旅魂日夜不招歸。秋教吾輩賦成  
感，人向君家戰勝肥。丹竈新成芝朮髓，白雲久傍芝

荷衣遙知桂樹山中色，范滂南天映少微。

和東秀誠父子東京道中見寄

洛陽才子籍徐通，儒服今年向海東。須折官梅勞驛  
使，莫將鸚鵡待英雄。三春伏枕江天雨，幾日曬書南  
海風。趙壁由來知所有，中原燦燦老蚌中。

登楞嚴寺

寺在三州  
碧海郡

上方人斷夕陽疎，七寶林中縱自如。梵貝天晴開色  
相，雨花夜靜散真如。山溪還識遠公社，水近偏憐杯  
渡屋。此處知堪投病老，使人長厭承明廬。



送東璧之相州

流水操琴意氣稀，千秋吾輩更依依。  
社中明月竟高下，世上真龍共是非。  
不惜青山歸國買，無那白苧入曾飛。  
由來窮巷論交地，梁甫須堪終布衣。

題壁

風雲回首竟何如，五月披裘歸草廬。  
豈謂黃金自燕散，更知紫氣出關疎。  
水流送夜須彈劍，草色逢春孰著書。  
海內蕭條和氏璧，當年分散在樵漁。

送江藩諸子歸近江州

白雲攬轡大江濱，祖帳城邊夜色新。  
地軸南携滄海水，天文西擁岷崙春。  
島中題句鬼應和，橋上射蛟龍或馴。  
憐爾翩翩歸上國，雄風幾處送行人。

早春同諸君集越君瑞得催字

詩酒春風曙色催，神龍門外望仙臺。  
王家自有傾筐客，明府元多下榻才。  
白日天低青鳥舞，紫鱗水滿綠蘋開。  
城中還許林中趣，嵇阮相逢方駕來。

陪徂來先生同服子遷縣次公泛舟墨水

墨水天晴抱二州，翩然夜下海門秋。  
絃歌無恙鳥融



坐詩酒何妨元禮舟明月乘槎隨織女白雲解纜過  
滄洲逍遙自識堪如此還向人間不可求

寄題安澹泊齋家園梅巷七覽

上國人文重搢賢豈期樽俎折衝年梁園傍老蒼園  
起梅巷向烏衣巷連春水當窻明月湧林花入檻晚  
霞懸更知詩酒相携日七覽還同枚叔篇

江樓晚眺

城南霽色倚高樓檻外遙開二總秋山盡浮雲江氣  
暗天低長水夕陽流烟波自供任公釣風雨還容范

蠡舟病懶偏憐魚鳥性十年浪迹為誰留

題德夫紫芝園

春色堂成野色晴紫芝苑苑主人情園林豈許勞三  
顧醵酒還疑了一生樹裏鐘聲鄰佛寺日邊雲氣對  
都城深知樂地因名教家法誰如郭泰清

丁未元日

雪晴日色滿林巒城外新春入檻寒梅柳猶憐佗日  
淚山川無恙去年看江湖豪氣餘多病梁楚聲名笑  
素餐自是清狂稱傲吏羞將五斗對衣冠



柴門

柴門自對舊山河，何事人間得失多。世上風波吏跡  
傲，客中日月卧遊過。蓬心自負滄洲約，酒態猶存燕  
市歌。老去放言聊自慰，雲烟終奈宦情何。

哭祖來先生四首

牛門春色自悲傷，海上風烟竟夕陽。一代文宗溟渤  
外，千秋事業白雲長。塵寰新失鳳鸞翼，天上何歸奎  
壁光。涕淚長含長別恨，招魂幾斷楚人腸。

先秦故業有誰傳，側目人間自愕然。廷議終頌授簡

日天威自近，校書年前朝盛意推遺老。今代休明寵  
大賢，長暮不知何所有。悲風吹盡白楊邊。

千頃容人陂水寬，十年交態壓盟壇。玄亭日落遺經  
暗，延水龍歸古劍寒。慘澹浮雲誰適從，蕭條疎雨獨  
盤桓。春風何事春搖落，笛裏山陽掩淚看。  
帝鄉君去白雲垂，此會千年不可期。洙泗天寒春水  
涸，芝蘭室暗暮烟悲。斯文升降賈餘勇，吾世汗隆感  
數奇。泉路悠悠誰復和，無端歌罷郢中詞。

仲秋對月簡張子嶽



金華新冊 卷之二  
漢河如水大江開江上風煙陳迹哀之子元隣徐孺  
宅何人曾上昭王臺三秋爽氣西山近一片冰心明  
月來老病依然麋鹿性尊鱸此夕轉相催

壽岳父神田君六十

高樓張宴紫霞杯絲管紛紛佳氣來九府風煙通芸  
局十洲日月映春臺壺中寶訣青囊潤肘後醫方玉  
匣開深識上清天路近白雲此夕為君催

贈田彥愛

君是風流宦不難侯門先進長裾寬宗藩人物嫻辭

令列國朝儀重世官臺上雄風同自奮燕中駿骨各  
相歡十年交態如何定意氣猶因斗酒看

金華稿刪卷之二終







